

12 OSIGURANJE OD ODGOVORNOSTI ZA UPOTREBU PLOVILA

12.03 Obavezno osiguranje od odgovornosti vlasnika odnosno korisnika broдика na motorni pogon za štete pričinjene trećim licima



Ove Opće uvjete donio je Upravni odbor Mikrofin osiguranja a.d. Banja Luka na sjednici održanoj dana 22.05.2024. godine, na osnovu člana 10. Zakona o osiguranju („Službene novine Federacije BiH“, br. 23/17 i 103/21), člana 11. i člana 56. Zakona o obaveznim osiguranjima u saobraćaju („Službene novine Federacije BiH, br. 57/20 i 103/21) i člana 257. Zakona o privrednim društvima Federacije BiH (Sl. Novine FBiH br. 81/15 i 75/21) i odredbi Statuta Društva broj OPU-1040/2022 od 06.06.2022.g, te saglasno Mišljenju ovlašćenog aktuara i na osnovu saglasnosti Agencije za nadzor osiguranja FBiH, Rješenjem br. 02-07.5-04-506-3/24 od 08.05.2024. godine.

Opći uvjeti za obavezno osiguranje vlasnika plovila na motorni pogon od odgovornosti za štetu prouzrokovanu trećim osobama

UVODNE ODREDBE

U ovim Općim uvjetima za obavezno osiguranje vlasnika plovila na motorni pogon od odgovornosti za štete nanese trećim osobama (u daljnjem tekstu: Opći uvjeti) znači:

- 1) osiguravač – društvo za osiguranje s kojim je sklopljen ugovor o osiguranju;
- 2) ugovarač osiguranja – osoba koja je s osiguravačem sklopila ugovor o osiguranju;
- 3) osigurani – vlasnik plovila odnosno osoba čiji je imovinski interes osiguran;
- 4) osigurani rizik – građanskopravna odgovornost osiguranika prema trećoj oštećenoj osobi;
- 5) osigurani slučaj – ostvareni rizik koji može dovesti do postavljanja odštetnog zahtjeva prema osiguraniku i/ili osiguravaču;
- 6) korisnik – svaka fizička ili pravna osoba koja voljom vlasnika stvarno raspolaže plovilom;
- 7) iznos osiguravajućeg pokrića – iznos do kojeg je osiguran imovinski interes;
- 8) premija osiguranja – iznos koji ugovarač osiguranja plaća na osnovu ugovora o osiguranju;
- 9) polisa osiguranja – isprava o ugovoru o osiguranju;
- 10) plovilo – plovni objekt na motorni pogon namijenjen za plovidbu, snage motora veće od 3,7 kW koji se u skladu sa propisima o registraciji plovila upisuju u odgovarajući registar;
- 11) Zakon – Zakon o obaveznim osiguranjima u saobraćaju (Službene novine Federacije BiH br. 57/2020) i Zakon o izmjeni Zakona o obaveznim osiguranjima u saobraćaju ("Službene novine Federacije BiH", br. 103/21).

OPSEG POKRIĆA I OSIGURANA SUMA

Član 1.

- (1) Osiguravač je, na osnovu ugovora o osiguranju vlasnika plovila na motorni pogon od odgovornosti za štetu prouzrokovanu trećim osobama, u obavezi nadoknaditi štetu koju je vlasnik odnosno korisnik upotrebom plovila nanijeo trećim osobama zbog smrti, tjelesne povrede ili narušavanja zdravlja.
Trećim osobama iz stava (1) ovog člana ne smatraju se osobe koje se nalaze na plovilu kojim je prouzrokovana šteta, kao i članovi posade koji upravljaju plovilom na motorni pogon.
- (2) Obavezu osiguravača iz ugovora o osiguranju predstavlja osigurana suma važeća na dan štetnog događaja, ako ugovorom o osiguranju nije određena viša osigurana suma.
- (3) Osigurana suma je određena u skladu sa članom 57., Zakona o obaveznim osiguranjima u saobraćaju i iznosi:

- za plovila snage motora 3,7 kW do 15 kW - 210.000,00 KM
- za plovila snage motora preko 15 kW - 650.000,00 KM

ISKLUČENJA IZ OSIGURANJA

Član 2.

- (1) Odgovarajuće se primjenjuju odredbe člana 24. stava 2). točka a. do d. Zakona.
- (2) Po osnovi osiguranja od odgovornosti vlasnika plovila isključeni su odštetni zahtjevi:
 - 1) Osobe koja je upravljala plovilom kojom je prouzrokovana šteta te njezini srodnici i druge fizičke ili pravne osobe u pogledu štete zbog smrti ili tjelesne ozljede osobe koja je upravljala plovilom,
 - 2) Oštećene osobe kojoj je šteta nastala:
 - zbog upotrebe plovila na sportskim priredbama, a kojih je cilj postizanje najveće ili najveće prosječne brzine, odnosno na vježbama za te priredbe,
 - zbog neposrednog ili posrednog djelovanja nuklearne energije za vrijeme prijevoza radioaktivnog materijala,
 - zbog ratnih operacija, pobuna ili terorističkog čina, s tim da društvo za osiguranje u tom slučaju mora dokazati da je šteta prouzrokovana takvim događajem
 - upotrebom plovila koje je bilo mobilizirano, od trenutka preuzimanja nadležnog organa do trenutka vraćanja vlasniku.

GUBITAK PRAVA IZ OSIGURANJA

Član 3.

- (1) Odgovarajuće se primjenjuju odredbe člana 25. stav (1) točka a) do g) Zakona u kojim slučajevima osiguranik gubi svoja prava iz osiguranja.
- (2) Osiguranik gubi svoja prava iz osiguranja:
 - 1) Ako je u vrijeme nezgode, osoba koja je upravljala osiguranim plovilom bila pod utjecajem alkohola ili pod utjecajem opojnih droga te psihoaktivnih lijekova ili drugih psihoaktivnih tvari:
 - a) ako se analizom krvi ili drugom metodom mjerenja količine alkohola u organizmu osobe koja je upravljala plovilom utvrdi da udio alkohola u krvi iznosi 0,3 g/kg i više (0,3‰ i više);
 - b) ako se osoba koja je upravljala plovilom nakon nezgode odbija podvrći ispitivanju alkoholiziranosti ili uticaja opojnih droga te drugih opojnih sredstava.
 - 2) Ako plovilo nije korišteno u svrhu kojoj je namijenjeno.
 - 3) Ako osoba koja je upravljala osiguranim plovilom nije imala važeću dozvolu odgovarajuće vrste ili kategorije.
 - 4) Ako je osoba koja je upravljala osiguranim plovilom prouzrokovala štetu namjerno ili zbog krajnje nepažnje.
 - 5) Ako je šteta nastala zbog toga što plovilo nema valjanu ispravu o sposobnosti za plovidbu.
- (3) Osiguravač ima pravo na naknadu isplaćenog iznosa štete i stvarnih i opravdanih troškova od osobe odgovorne za štetu u slučajevima iz prethodnog stava (2) najviše do 12 (dvanaest) prosječnih neto plaća u Federaciji BiH prema posljednjim objavljenim podacima na dan isplate štete.

OBAVEZE OSIGURANIKA

Član 4.

- (1) Osiguranik je u obavezi pomagati osiguravaču u rješavanju pitanja odgovornosti. Stoga je dužan u roku od 3 (tri) dana od dana saznanja za štetni događaj dati istinite i iscrpne podatke o toku nezgode i njenim okolnostima.
- (2) Ako je protiv osiguranika ili osobe za koju on odgovara postavljen odštetni zahtjev, podnijeta tužba za naknadu štete, postavljen građansko-pravni zahtjev ili stavljen prijedlog za osiguranje dokaza, obavezan je u roku iz prethodnog stava koji počinje teći od primitka navedene dokumentacije bez odlaganja o tome obavijestiti osiguravača i dostaviti mu sva pismena koja sadrži odnosni odštetni zahtjev.
- (3) Osiguranik je u obavezi obavijestiti osiguravača o pokretanju parnice iz prethodnog stava kako bi se osiguravač mogao umiješati u parnicu na strani osiguranika. Vođenje parnice osiguranik može prepustiti osiguravaču.
- (4) Osiguranik je dužan obavijestiti osiguravača o postojanju odštetnog zahtjeva.
- (5) Ugovarač osiguranja odnosno osiguranik dužan je sve obavijesti koje upućuje osiguravaču pismeno potvrditi.
- (6) Za vrijeme trajanja osiguranja ugovarač osiguranja obavezan je obavijestiti osiguravača o promjeni imena/naziva i promjeni prebivališta/ sjedišta.

OBAVEZE OSIGURAVAČA

Član 5.

- (1) Osiguravač je dužan podmiriti osnovane zahtjeve u zakonskim rokovima te voditi brigu o zaštiti osiguranika od neutemeljenih ili pretjeranih odštetnih zahtjeva trećih osoba. Ako osiguravač povrijedi ovu obvezu, dužan je osiguraniku nadoknaditi štetu.
- (2) Osiguravač je ovlašten da u ime osiguranika daje sve izjave koje su prema njegovom mišljenju potrebne zbog naknade štete ili zbog zaštite od neutemeljenih ili pretjeranih zahtjeva.
- (3) Osiguravač zadržava pravo na odbijanje ponude za sklapanje ugovora o osiguranju, odnosno pravo na jednostrani raskid ugovora o osiguranju i/ili zamrzavanje sredstava ukoliko su ugovarač osiguranja ili s njim povezane osobe evidentirane na međunarodnim popisima uspostavljenima radi sprječavanja financiranja terorizma.

TERITORIJALNA VALJANOST OSIGURANJA

Član 6.

- (1) Osiguravajuće pokriće se pruža za plovību teritorijalnim morem, unutarnjim morskim vodama i unutarnjim vodama Bosne i Hercegovine, ako nije drukčije ugovoreno.

POČETAK I PRESTANAK OSIGURAVAJUĆEG POKRIĆA

Član 7.

- (1) Obaveza osiguravača iz ugovora o osiguranju počinje po isteku 24- tog sata dana koji ju u ugovoru o osiguranju naveden kao početak osiguranja, ako je do tog datuma plaćena premija ili prvi obrok premije, odnosno nakon isteka 24-tog sata dana kada je premija ili njen prvi obrok plaćen, ako nije drukčije ugovoreno.
- (2) Obaveza osiguravača prestaje po isteku 24-tog sata dana koji je u ugovoru o osiguranju naveden kao dan isteka osiguranja, ako nije drukčije ugovoreno.

UTVRĐIVANJE PREMIJE

Član 8.

- (1) Premija obaveznog osiguranja od odgovornosti vlasnika plovila na motorni pogon od odgovornosti za štete nanесene trećim osobama utvrđuje se za svaku osiguravajuću godinu posebno, na osnovu Cjenika osiguravača važećeg na datum izdavanja polise za pojedinu osiguravajuću godinu.

PLAĆANJE PREMIJE

Član 9.

- (1) Prvu ili jednokratnu premiju ugovarač osiguranja plaća prilikom preuzimanja polise, a svaku sljedeću premiju prvog dana nakon svakog osiguravajućeg razdoblja, ako nije drugačije ugovoreno.
- (2) Ugovarač osiguranja šalje premiju osiguravaču na svoj rizik i o vlastitom trošku.

OBAVEZE OSIGURAVAČA KOD ODŠTETNIH ZAHTJEVA

Član 10.

- (1) Osiguravač je dužan riješiti odštetne zahtjeve u zakonskim rokovima, odnosno utvrditi pravni osnov i visinu odštetnog zahtjeva u roku od trideset (30) dana od dana kompletiranja zahtjeva, uz dostavljanje obrazložene ponude, te isplatiti utvrđenu naknadu ili iznos nespornog iznosa naknade odštete kao avans u daljem roku od četrnaest (14) dana.
- (2) Osiguravač je dužan, u svrhu obrade i rješavanja odštetnog zahtjeva, preduzeti sve radnje s ciljem prikupljanja dokumenata i dokaza na osnovu kojih se utvrđuje odgovornost osiguravača i visina odštete.
- (3) Osiguravač je dužan oštećeno lice koje podnese odštetni zahtjev, bez odgode, pismeno obavijestiti o svim dokumentima i dokazima koje je obavezno podnijeti, u cilju rješavanja odštetnog zahtjeva.

Minimalna dokumentacija u cilju rješavanja odštetnog zahtjeva sadrži:

1. pismeni zahtjev za naknadu štete;
 2. zapisnik o šteti sačinjen od nadležnog državnog organa;
 3. fakture vezane za štetu ili procjena vještaka, za materijalnu štetu;
 4. medicinska dokumentacija, za nematerijalnu štetu.
- (4) Osiguravač je, pored dokumenata iz stava (3) ovog člana, ovlašten zahtijevati i dodatne dokumente radi utvrđivanja okolnosti nastanka štetnog događaja, utvrđivanja pravnog osnova i visine odštete, odnosno radi isplate, ali ne i dokaze koji nemaju uticaja na postupak rješavanja odštetnog zahtjeva ili koje oštećeno lice nije u mogućnosti pribaviti zbog zakonskih ograničenja.
 - (5) Obrazložena ponuda iz člana 10. stava (1) ovih Općih uvjeta najmanje sadrži:
 - 1) pravni osnov odštetnog zahtjeva,
 - 2) visinu odštete,
 - 3) obrazloženje obračuna visine odštete.
 - (6) Ako se nisu stekli uslovi za davanje obrazložene ponude iz člana 10. stava (1) ovih Općih uvjeta, osiguravač je dužan, u roku od 60 (šezdeset) dana od dana podnošenja odštetnog zahtjeva, oštećenom licu uputiti osnovani odgovor ako su odgovornost za naknadu štete ili visina odštete sporne.
 - (7) Osiguravač je dužan isplatiti iznos naknade štete u roku iz člana 10. stava (1) ovih Općih uvjeta. U slučaju nemogućnosti utvrđenja visine konačnog iznosa odštete, osiguravač je oštećenom licu dužan isplatiti iznos nespornog iznosa naknade odštete kao avans u roku propisanim članom 10. stav (1) ovih Općih uvjeta.
 - (8) U obrazloženoj ponudi i osnovanom odgovoru, osiguravač je dužan oštećeno lice uputiti na pravo ulaganja prigovora društvu za osiguranje, kao i na pravo podnošenja tužbe. Ako je tužba podnesena protiv osiguravača prije isteka roka iz člana 10. stava (1) ovih Općih uvjeta smatra se preuranjenom.
 - (9) Rok za podnošenje prigovora osiguravaču ne može biti kraći od 15 (petnaest) dana od dana kada je oštećeno lice primilo obrazloženu ponudu ili obrazloženi odgovor osiguravača.
 - (10) Oštećeno lice ima pravo, uz iznos odštete, i na zakonsku zateznu kamatu počev od prvog dana nakon isteka roka za isplatu štete iz člana 10. stava (1) ovih Općih uvjeta.

VRAĆANJE PREMIJE

Član 11.

- (1) U slučaju odjave plovila zbog uništenja, rashodovanja, stavljanja izvan prometa (mirovanja) ili krađe plovila, osiguravač je u obvezi na zahtjev ugovarača osiguranja vratiti neiskorišteni dio premije od dana uništenja odnosno od dana primitka otkaza osiguranja, ako se do tada nije ostvario osigurani slučaj.
- (2) Prilikom obračuna neiskorištenog dijela premije prema prethodnom stavu, primjenjuje se cjenik koji je vrijedio na dan ugovaranja osiguranja primjenom obračuna po principu "pro rata temporis".

PROMJENA VLASNIKA PLOVILA

Član 12.

- (1) Ako se za vrijeme trajanja osiguranja promijeni vlasnik plovila, novi vlasnik plovila dužan je zaključiti ugovor o osiguranju svoje odgovornosti za upotrebu plovila na kojem je stekao vlasništvo.
- (2) Osiguranik koji otuđi svoje plovilo dužan je o tome obavijestiti Osiguravača kod kojeg je osigurana njegova odgovornost za upotrebu plovila koji je otuđen u roku od 30 dana od dana otuđenja plovila i postupiti u skladu sa članom 9. stav 6. Zakona.
- (3) Ugovor o osiguranju od odgovornosti zaključen s prethodnim vlasnikom prestaje da važi u trenutku kada je novi vlasnik plovila zaključio ugovor o osiguranju od odgovornosti na svoje ime.
- (4) Prestankom važenja ugovora iz stava (3) ovog člana, osiguranik, prethodni vlasnik plovila, ima pravo na povrat dijela premije za neiskorišteni period pokrića, pod uslovom da je postupio u skladu sa obavezom iz stava (2) ovog člana i u slučaju da nije bilo štete u periodu osiguranja po navedenoj polici.
- (5) Izuzetno od stava (3) ovog člana, ugovor o osiguranju od odgovornosti zaključen s prethodnim vlasnikom ostaje na snazi do isteka trajanja osiguranja, ukoliko novi vlasnik, u tom roku, nije zaključio ugovor o osiguranju od odgovornosti na svoje ime, u tom slučaju se po samom zakonu smatra da su prava i obaveze, kao i odgovornost za upotrebu plovila, preneseni na novog vlasnika plovila danom zaključenja ugovora o prijenosu vlasništva na plovilo.
- (6) Na zahtjev ugovarača osiguranja Osiguravač je obavezan vratiti neiskorišteni dio premije u skladu sa članom 10. stav 2. ovih Općih uvjeta.
- (7) Kada se vlasnik promijeni na osnovu nasljeđivanja ili na osnovu ugovora o poklonu, ugovor o osiguranju ostaje na snazi.

PROMJENA RIZIKA

Član 13.

- (1) Ugovarač osiguranja dužan je, bez odlaganja, obavijestiti Osiguravača o svakoj promjeni okolnosti koja može biti značajna za ocjenu rizika, ako je rizik povećan nekim njegovim postupkom, a ako se povećanje rizika dogodilo bez njegova sudjelovanja, dužan je obavijestiti u roku od četrnaest dana od kad je saznao za povećanje rizika.
- (2) Ukoliko se osigurani slučaj dogodio prije nego što je Osiguravač obaviješten o povećanju rizika ili pošto je obaviješten o povećanju rizika, ali prije nego što je ugovor raskinuo ili postigao sporazum sa ugovaračem osiguranja o povećanju premije, naknada se smanjuje u srazmjeri između plaćenih premija i premija koje bi trebalo platiti prema povećanom riziku.
- (3) U slučaju kada se poslije zaključenja ugovora o osiguranju dogodilo smanjenje rizika ugovarač osiguranja ima pravo zahtijevati odgovarajuće smanjenje premije, računajući od dana kad je o smanjenju obavijestio Osiguravača. Ako Osiguravač ne pristane na smanjenje premije, ugovarač osiguranja može raskinuti ugovor.

PISANI OBLIK

Član 14.

- (1) Smatra se da je ugovor o osiguranju valjan ako je sklopljen u pisanom obliku te ako su ugovaraču osiguranja uručeni ovi Opći uvjeti, te polisa osiguranja.
- (2) Sva izvješća i izjave koje se daju na osnovu ugovora o osiguranju moraju biti date u pisanom obliku.

RJEŠAVANJE SPOROVA MIRNIM PUTEM

Član 15.

- (1) Ugovorne strane su suglasne da će sve sporove proizašle iz ovog ugovora nastojati rješavati mirnim putem.
- (2) Ugovarač osiguranja i osiguranik saglasni su da će o svim spornim stvarima, pritužbama/prigovorima i nesporazumima proizašlim iz odnosa s osiguravačem obavijestiti osiguravača bez odgađanja.
- (3) Obavijesti iz stava (2) ovog člana strane dostavljaju u pisanom obliku, iz kojeg se sa sigurnošću može razaznati sadržaj obavijesti, potpis podnosioca obavijesti i vrijeme slanja obavijesti.
- (4) Osiguravač će zaprimljenu pritužbu/prigovor iz stava (2) ovog člana uputiti Komisiji za pritužbe/prigovore. Odgovor Komisije dostavlja se u pisanom obliku bez odgađanja, a najkasnije u roku od petnaest (15) dana od dana zaprimanja pritužbe/prigovora, a iznimno, kada se odgovor ne može dati unutar navedenog roka, obavijestit će podnosioca pritužbe/prigovora o razlozima kašnjenja i naznačiti kada će postupak vjerovatno biti dovršen i kada će biti odgovoreno na pritužbu/prigovor.
- (5) Ukoliko spor nije riješen u izvansudskom postupku kod osiguravača, svaka od stranaka u sporu može predložiti drugoj strani pokretanje postupka mirenja pri instituciji Ombudsmena u osiguranju Agencije za nadzor osiguranja Federacije BiH ili drugoj organizaciji za mirenje.
- (6) Prijedlog za mirenje dostavlja se instituciji Ombudsmena u osiguranju Agencije za nadzor osiguranja Federacije BiH ili drugoj organizaciji za mirenje u pisanom obliku.

NADLEŽNOST U SLUČAJU SUDSKOG SPORA

Član 16

U slučaju spora između ugovarača osiguranja, osiguranika, putnika i osiguravača, a koja nisu uređena ovim Općim uvjetima, nadležan je stvarno nadležni sud prema mjestu sklapanja ugovora o osiguranju.

ZAVRŠNE ODREDBE

Član 17.

Ovi Opći uvjeti stupaju na snagu danom usvajanja od strane Upravnog odbora Društva, a nakon dobijene saglasnosti Agencije za Nadzor osiguranja Federacije BiH, te se primjenjuju na ugovore o osiguranju zaključene na teritoriji Federacije Bosne i Hercegovine.

MFO-124-524

Banja Luka, 22.05.2024.

PREDSJEDNIK UPRAVNOG ODBORA

Sandra Lonco